



Uunga:

Pele Broberg
Inatsisartunut ilaasortaq, Naleraq

§ 37 naapertorlugu apeqqutip nr. 160/2026-p akineqarnera

Inatsisartut suleriaasianni § 37, imm. 1 naapertorlugu Inatsisartuni ilaasortap Pele Brobergip, Naleraq, apeqquteqaataa Naalakkersuisunit ulloq 06/08 2026 tiguneqarpoq.

Apeqqutigineqartut kinguneranni akissuteqartoqartassaaq.

14-08-2026
Suliap normua 2026 - 1591
All. normua. 26760199

Postboks 1015
3900 Nuuk
Oq. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

- 1. Naalakkersuisut uppersarsinnaavaat Royal Greenland A/S-ip pisortaanera DI Fødevarer-ip, Dansk Industri-mut ilaasup, siulersuisuini ilaasortaanersaq? Taamaappat qaqugukkut ilaasortanngornersaq aammalu suliaq taanna RoyalGreenland A/S sinnerlugu imaluunniit nammineq inuttut ingerlannerlugupaasissutissiissutigineqassaaq.**

Akissut:

Royal Greenlandimit akissummik piniartoqarsimavoq.

"Royal Greenlandimit uppersarsarneqarsinnaavoq pisortaaneg DI Fødevarer-imi siulersuisunut ilaasortaammat Dansk Industri-mut ilaalluni, 01.08.26-mi sulilerluni. Atuuffik ingerlatseqatigiiffik sinnerlugu suliarineqarpoq siornatigullu pisortaanerusarsimasut allat aamma atuuffimmut tassunga sulisarpur."

- 2. Royal Greenlandip siulersuisuisa siulersuisuni ilaasortaanera akuersissutigisimavaat, aammalu Naalakkersuisut piginnittutut ilisimatinneqarsimappat? Naalakkersuisut aamma paasissutissiissutigissavaat Royal Greenland A/S-ip suliaq taanna pillugu piffissamik suliffiusumik, angalanernut imaluunniit najugaqarnermut aningaasartuutini akiliisarnersaq, honorarimik imaluunniit aningaasatigut iluaqutiniq allanik tunniussisoqartarnersaq, aammalu taakku kimut tunniunneqartarnersut.**

Akissut:

Suliaq siulersuisut suliassarigaat Naalakkersuisut isumaqarput.

Royal Greenlandimit apeqqutip aappaanut akissummik piniartoqarsimavoq:

"Pisortaanerup suliassanik suliaqarneranut atatillugu akissarsiaqartitsisoqanngilaq aningaasatigullu iluanaarutissartaqarani."

3. Naalakkersuisut naatsorsuutigaa siulersuisuni ilaasortaanera Kalaallit Nunaata nunani allani niuerfinnut toqqaannartumik attaveqarneranut, kalaallit aalisartut tunisinermi akigititaannut, Kalaallit Nunaanni tuniniaanermut, avammut niuernermut niuerfinnillu ilisimasaqarnermut piginnaasanik ineriartortitsinermut kiisalu Kalaallit Nunaanni naleqalersitsinermut suliffissanullu qanoq iluaqutaassasoq? Aamma pisortaaney Royal Greenland A/S sinnerlugu kalaallit inuussutissarsiutinut, aalisarnermut imaluunniit avammut niuernermut kattuffiisa sorliit siulersuisuini ilaasortaanersooq paasissutissiissutigineqassaaq.

Akissut:

Suliaq siulersuisut suliaasarigaat Naalakkersuisut isumaqarput.

Royal Greenlandimit apeqqutip aappaanut akissummik piniartoqarsimavoq:

"Pisortaaney Royal Greenland sinnerlugu siulersuisuni ukunani ilaasortaavooq; aalisarneq pillugu ingerlatseqatigiiffinni Ice Trawl Greenland A/S aamma Pelagic Greenland A/S. Taassuma saniatigut Interforce Grønland-imut ulluinnarni aqutsisuneeqataalluni. DI Fødevarerimi siulersuisuni ilaasortaanerup allanilu siunertaraa inuussutissanik tunisassioqut angisuut allat oqaloqatigisinnaanissaannut attaveqaateqarnissamut qulakkeerinninneq." Najukkami innuttaasutut najugaqartutut kalaallit ingerlatseqatigiiffii allat aqutsisui oqaloqatigisarpai, taamatuttaaq Kalaallit Nunaanni imaaneersunik inuussutissalerisut allat."

4. Royal Greenland A/S-ip Kalaallit Nunaanniit pisunik nioqqutissanik tuniniaanerata qanoq annertutigisoq 2023-mi, 2024-mi 2025-milu Kalaallit Nunaanniit Danmarkip avataani pisisartunut toqqaannartumik tunineqarlunilu akiligassiissutigineqartarpa, aammalu qanoq annertutigisoq Danmarkimi ingerlatseqatigiiffiit, allaffiit imaluunniit akunnermiliuttut allat aqqutigalugit tunineqarlunilu akiligassiissutigineqartarpa? Aamma nioqqutissat qanoq annertutigisut Danmarkimi suliarineqaqqittarnersut, poortorneqaqqittarnersut imaluunniit tunineqaqqittarnersut paasissutissiissutigineqassaaq. Kisitsisit sapinngisamik annertussusinngorlugit nalinginullu koruuninngorlugit saqqummiunneqassapput.

Akissut:

Royal Greenlandimit akissummik pissarsisoqarsimavoq ilisimatitsissutigineqarporlu:

"Royal Greenlandip tunisassiaatai Kalaallit Nunaanneersut amerlanersaat suliffeqarfissuup tuniniaanermut ingerlatseqatigiiffia danskiusoq aqqutigalugu tunineqartarput. Imaannigilarli tunisassianit isertitat Danmarkimut inissinneqartartut. Royal Greenlandip transfer pricing-model suliffeqarfissuit ataatsimoorussaata atorpaa, tuniniaanermut ingerlatseqatigiiffiit najukkani tunisinermut aningaasartuutit akilernissaannut kaaviiaartitanit annikitsumik pissarsisarlutik, kaaviiaartitallu 96-98 %-ii

kalaallit tunisassiornermut ingerlatseqatigiiffiit tuttussanngorlutik. Modeli suliffeqarfissuup tamarmiusup atorpaa, tunisineq Danmark Royal Greenlandilluunniit aqutigalugu nunani tamalaani tuniniaanermut ingerlatseqatigiiffisigut pisarnersoq apeqqutaatinnagu. Kalaallit tunisassiaat Danmarkimi tunisassiarineqarneq/suliarineqarneq ajorput poortoqqinneqarnerlu ajorlutik. Unammilleqatigiinneq eqqarsaatigalugu Royal Greenland tunitsivinni ataasiakkaani tunisat amerlassusaat, kaaviaartitat matussusiinissamullu tapiissutit pillugit sukumiisumik ilisimatitsineq ajorpoq."

5. **Naalakkersuisut aalajangersimasumik anguniagaqarpat Royal Greenland A/S-ip nunani tamalaani tuniniaanerata, akiligassiisernerata, niuerfinnut nittarsaassinerata naleqalersitsineratalu annertunerusumik siunissami Kalaallit Nunaanniit Danmarkimi akunnermiliuttut aqutiginagit ingerlanneqalernissaa? Taamaappat anguniagaq, piffissaliussaq Kalaallit Nunaannullu aningaasatigut iluaqutissat naatsorsuutigineqartut paasissutissiissutigineqassapput.**

Akissut:

Naalakkersuisut naalakkersuisoqatigiinnissamut isumaqatigiissut innersuukkumavaat:

Naalakkersuisoqatigiit Aalisarnek pillugu Siunnersuisoqatigiinnik pilersitsiniarput arlaannaannulluunniit attuumassuteqanngitsunik (...) qanoq aalisakka ilivitsut avammut niuerutiginnarnagit, qanoq ililluta suliarinninneq aqutigalugu aalisakkanik ataasiakkaanik aningaasarsiornerulersinnaanitsinnik suussusiisunik nalunaarusiortoqarnissaa naalakkersuisoqatigiit kissaatigaat. Nalunaarusiami tassani aningaasat ingerlaarnerat ilanngunneqassaaq, taamaalilluni aningaasat nalitusiartortitsinermi sumi aalisartut inuiaqatigiillu aalisagaatitsinnik aningaasarsiorluarnerunissarput paasineqarsinnaaqullugu."

6. **Royal Greenlandip siulersuisuisa imaluunniit Naalakkersuisut nalilersimavaat Royal Greenland A/S-ip Kalaallit Nunaannut naleqalersitsinissamik pisussaaffiata aammalu DI Fødevarer-ip qallunaat inuussutissalerinermut suliffeqarfiutaasa inuussutissarsiornermikkut sulisitsisullu soqutigisaannik sulinerata akornanni soqutigisanik akerleriittoqalersinnaanersoq? Naliliineq aammalu attuumassuteqannginnissamut, paasissutissanut isertuussanut, unammilleqatigiinnermut kiisalu naleqalersitsinerup Kalaallit Nunaanni inissisimatinneqarnissaanut tunngatillugu iliuuserineqartut nassuiarneqassapput.**

Akissut:

Royal Greenlandimit akissummik piniartoqarsimavoq.

"Siulersuisuni ilaasortaataitaqarneq soqutigisatigut aaqqiagiinngiffiunissaa akuliusimavallaarsinnaanermulluunniit atatillugu Royal Greenlandimi

siulersuisut ajornartorsiutaasorinngilaat. Pisortaaneq Royal Greenlandimi soqutigisat suliarissallugit ingerlatseqatigiiffiullu Kalaallit Nunaannut annertunerpaamik naleqarnerulersitsiniarnissamut pisussaaffeqarpoq."

- 7. Naalakkersuisut Namminersorlutik Oqartussat tamakkiisumik ilaannakortumilluunniit pigisaanni ingerlatseqatigiiffiit direktioniini aammalu qullersatut aqutsisoqatigiinni ilaasortat avataani siulersuisuni ilaasortaanerat, siunnersortitut sulinerat, suliffeqarfinni allani atorfeqarnerat kiisalu suliat allat akissarsiaqarfiusut akissarsiaqarfiunngitsulluunniit pillugit ataatsimut takussutissiissuteqarsinnaappat? Aamma piginnittuunerit annertuut, maleruagassat atuuttut naapertorlugit ingerlatseqatigiiffiup siulersuisuinut imaluunniit piginnittumut nalunaarutigineqarsimasut aammalu soqutigisanik akerleriittoqarsinnaanerani pilersitsisinnaasut, ilanngunneqassapput. Takussutissiami ingerlatseqatigiiffik aqutsisullu suliaassaa, avataani kattuffik imaluunniit suliffeqarfik, suliaq nammineq inuttut imaluunniit ingerlatseqatigiiffik sinnerlugu ingerlanneqarneris, kina akuersissuteqarsimaners, honorari kina pissarsiarineraa aammalu soqutigisanik akerleriittoqarsinnaanerani pilersitsisinnaasut, ilanngunneqassapput.**

Akissut:

Aqutsisuni ilaasortat inuussutissarsiornikkut suliffeqarfinni allani aqutsinikkut atuuffii allat ingerlatseqatigiiffiit ataasiakkaat ukiumoortumik nalunaarusiaanni allassimassapput, takuuk ukiumoortumik naatsorsuutitut inatsimmi § 107.

- 8. Namminersorlutik Oqartussat ingerlatseqatigiiffiutaasa aqutsisuisa avataani suliaassaa aammalu aningaasatigut soqutigisaasa annertuut nalunaarutigineqarnissaannut akuersissutigineqarnissaannullu ataatsimoortumik maleruagassat suut atuuppat, aammalu Naalakkersuisut suliat taamaattut pillugit tamanut saqqummiunneqarsinnaasumik minnerpaamik ukiumut ataasiarluni nutarterneqartartumik takussutissiamik pilersitsiniarpat? Taamaangippat tamanna tunngavilersorneqassaaq.**

Akissut:

Siuliani allassimasut ulluinnarni maleruagassaqartinneqarput ingerlatseqatigiiffiit ataasiakkaat siulersuisuinit, pisortamut isumaqatigiissuteqarnikkut ingerlatseqatigiiffimillu aqutsilluarnissamut suliffeqarfiup iluani maleruagassaqarnikkut.

Inussiarnersumik inuulluaqqusillunga
Med venlig hilsen


Jens-Frederik Nielsen